



At: Cadeirydd ac Aelodau Gweithgor  
Newid Hinsawdd ac Argyfwng  
Ecolegol

Dyddiad: 19 Hydref 2020

Deialu  
Union:

e-bost:

Annwyl Gyngorydd

Cyfeiriaf at y rhaglen ar gyfer cyfarfod y **GWEITHGOR NEWID HINSAWDD AC ARGYFWNG ECOLEGOL** sydd i'w gynnal am **11.00 am, DYDD MERCHER, 21 HYDREF 2020** ac ryw'n amgáu'r ddogfen ganlynol.

**Rhif Eitem**  
**Agenda**

**2 COFNODION - 30 MEDI 2020** (Tudalennau 3 - 16)

Yn gywir

G Williams  
Pennaeth Gwasanaethau Cyfreithio, AD a Democrataidd

**AELODAETH**

**Cynghorwyr**

Bobby Feeley  
Brian Jones  
Gwyneth Kensler  
Barry Mellor

Arwel Roberts  
Tony Thomas  
Graham Timms  
Joe Welch

Mae tudalen hwn yn fwriadol wag

## Cofnodion Gweithgor yr Argyfwng Newid Hinsawdd ac Ecolegol

|                           |   |
|---------------------------|---|
| <b>Dyddiad</b>            | 30 / 09 / 2020  |
| <b>Amser</b>              | 10.30 – 12.00   |
| <b>Lleoliad</b>           | Fideo-Gynhadledd Web Ex   |
| <b>Yn bresennol</b>       | Y Cyngorydd Gwyneth Kensler (GK); Cyngorydd Bobby Feeley (BF); Cyngorydd Barry Mellor (BM); Cyngorydd Brian Jones (BJ); Cyngorydd Arwel Roberts (AR); Cyngorydd Graham Timms (GT)   |
| <b>Ymddiheuriadau</b>     | Y Cyngorydd Joe Welsh (JW); Cyngorydd Tony Thomas (TT)  |
| <b>Hefyd yn bresennol</b> | Swyddogion Cefnogi: Judith Greenhalgh (JG), Helen Vaughan-Evans (HVE), Joel Walley (JW), Nicola Kneale (NK), Tom Booty (TB); Howard Sutcliffe (HS); Liz Wilcox-Jones (LWJ)<br><br>Aelod Sylwedyddion: Cyngor Martyn Holland (MH); Alan James (AJ), Meirick Lloyd Davies (MLD) |

### 1.Croeso ac ymddiheuriadau

Croesawodd y Cadeirydd bawb i'r cyfarfod, y cyntaf ers mis Mawrth, a nodwyd yr ymddiheuriadau.

Estynnwyd croeso arbennig i'r Haelod Sylwedyddion a'r swyddogion cefnogi, LWJ ac HS i'r cyfarfod.

# Nodiadau Cyfarfod y Gweithgor Argyfwng Newid Hinsawdd ac Ecolegol, 30.09.20

## 2. Nodiadau a chamau gweithredu o'r cyfarfod diwethaf

Cytunwyd bod cofnodion y cyfarfod diwethaf yn gywir.

Nododd y Grŵp er nad oedd y gweithgor wedi cyfarfod, bod llawer o gynnydd wedi'i wneud gan y swyddogion rhwng mis Mawrth a mis Medi.

Adolygwyd camau gweithredu'r cyfarfod blaenorol a rhoddwyd diweddariad gan HVE. Gweler y tabl isod sy'n rhoi crynodeb o'r hyn a wnaed.

| <b>CAM GWEITHREDU</b>   | <b>DIWEDDARIAD</b>  |
|---|---|
| <b>HVE</b> – ychwanegu'r canlynol at raglen mis Ebrill : Rhagor o wybodaeth ar y gallu i greu is-grŵp o Y Panel a chynnal trafodaethau ar bynciau penodol er mwyn sicrhau ymgysylltiad parhaus.   | <b>CWBLHAWYD</b><br>Ar y rhaglen heddiw.  |
| <b>HVE</b> - anfon e-bost i'r rhai sydd ar y rhestr bostio i roi gwybod iddynt fod cofnodion y cyfarfod hwn ar gael i'w gweld ar-lein.  | <b>CWBLHAWYD</b><br><a href="#">Cliciwch yma i weld y cofnodion</a>   |
| <b>HVE</b> – gweithio gyda Gary Williams i ddarparu'r ymdriniaeth argymelledig er mwyn sicrhau, wrth wneud penderfyniadau, y caiff materion cysylltiedig â'r hinsawdd ac effeithiau ecolegol eu hystyried. Rhoi papur gerbron y Pwyllgor Llywodraethu Corfforaethol ac yna argymell ei gyflwyno i'r | <b>AR Y GWEILL</b> <ul style="list-style-type: none"><li>Papur Briffio i'r Cabinet ac Arweinwyr Grwpiau ym mis Gorffennaf – wedi cael derbyniad cadarnhaol.</li></ul> |

## Nodiadau Cyfarfod y Gweithgor Argyfwng Newid Hinsawdd ac Ecolegol, 30.09.20

| <b>CAM GWEITHREDU</b>  | <b>DIWEDDARIAD</b>  |
|--|---|
| <p>Cyngor i gymeradwyo'r newid i'r fframwaith gwneud penderfyniadau.</p>   | <ul style="list-style-type: none"> <li>• Papur i'r Pwyllgor Llywodraethu Corfforaethol a Chraffu ar 9 Medi – argymhellion wedi'u cymeradwyo.</li> <li>• Ceisio cymeradwyaeth y Cyngor Llawn i wneud newidiadau i'r cynllun gwaith i'r dyfodol erbyn 13 Hydref.</li> <li>• Yn y cynllun i'r dyfodol ceisio cymeradwyaeth y Cyngor Llawn i wneud y newidiadau ar 13 Hydref</li> </ul> |
| <p><b>HVE</b> – rhannu'r ddogfen ymateb/gweithredu sefydliadol gyda'r Cyngor Staff.</p>  | <p><b>CWBLHAWYD</b></p>   |
| <p><b>HVE</b> - gwneud yr addasiadau a awgrymwyd i'r llythyr at Lesley Griffiths AM a gweithio gyda Sharon Evans er mwyn anfon y llythyr gan y Cynghorydd Brian Jones.</p> | <p><b>WEDI'I OHIRIO</b></p> <ul style="list-style-type: none"> <li>• Cam gweithredu wedi'i ohirio tan ar ôl cyfnod yr argyfwng COVID-19</li> <li>• Gweithgor wedi cytuno i ohirio ysgrifennu'r llythyr am ychydig o fisoedd a HVE i gynnwys adolygu llythyr drafft ar y rhaglen ar gyfer mis Tachwedd.</li> </ul>   |

## Nodiadau Cyfarfod y Gweithgor Argyfwng Newid Hinsawdd ac Ecolegol, 30.09.20

| CAM GWEITHREDU  | DIWEDDARIAD   |
|---|---|
| <p><b>HVE</b> - ymgysylltu â'r swyddogion perthnasol a BJ, TT a GT i wneud trefniadau ar gyfer gweithdy Aelodau ym mis Mai/Mehefin [mewn perthynas â datblygiad y strategaeth a'r cynllun gweithredu newid hinsawdd ac ecolegol.]</p> | <p><b>AR Y GWEILL</b></p> <ul style="list-style-type: none"> <li>• Nid oedd modd datblygu'r syniad o weithdy ym mis Mai/Mehefin oherwydd yr argyfwng COVID-19.</li> <li>• Bydd ymgysylltiad ag Aelodau yn awr yn digwydd yn rhithiol drwy'r GAA ym mis Medi a Hydref</li> </ul> |
| <p><b>HVE</b> - i gysylltu â Huw Rees gyda chais am swyddog Gwasanaethau Cefn Gwlad ychwanegol i ymuno â'r swyddogion sy'n mynychu cyfarfod misol y gweithgor gwleidyddol.</p>  | <p><b>CWBLHAWYD</b></p> <p>Mae Howard Sutcliffe (Rheolwr Gweithrediadau Cefn Gwlad) wedi'i wahodd i'r gweithgorau trawsbleidiol.</p>  |
| <p><b>HVE</b> – i wneud newidiadau i raglen mis Ebrill a gwahodd swyddogion ychwanegol i gyfarfodydd y dyfodol yn ddibynnol ar y thema.</p>   | <p><b>AR Y GWEILL</b></p> <ul style="list-style-type: none"> <li>• Y rhaglen o gyfarfodydd y dyfodol i'w thrafod heddiw.</li> </ul>   |

# Nodiadau Cyfarfod y Gweithgor Argyfwng Newid Hinsawdd ac Ecolegol, 30.09.20

## **CAM GWEITHREDU:**

**HVE-** ychwanegu adolygu'r llythyr drafft sydd i'w anfon gan y Cynghorydd Brian Jones at Lesley Griffiths at y rhaglen ar gyfer cyfarfod y gweithgor ym mis Tachwedd.

### **3. Crynodeb o gynnydd ers mis Mawrth, gan gynnwys camau 'cic-danio' ac amserlenni/tasgau hyd ddiwedd y flwyddyn ariannol.**

#### **Crynodeb o Gynnydd**

Rhoddodd HVE ddiweddariad i'r grŵp ar y 'camau cic-danio' gan fynd â'r grŵp drwy'r tasgau lle gwnaed cynnydd ers mis Mawrth, sy'n cynnwys y canlynol:

- Dadansoddi'r ymatebion o'r cyfnod ymgysylltu cyhoeddus.
- Mynychodd y Cynghorydd Brian Jones, y Cynghorydd Tony Thomas a'r Cynghorydd Graham Timms hyfforddiant deuddydd ar Brydain Ddi-Garbon yn y Ganolfan Technoleg Amgen.
- Coladu'r waelodlin di-garbon net (2019/20) - allyriadau carbon a thynnu carbon o'r aer.
- Cwblhau gweithdy 2 awr gyda phob maes gwasanaeth ar y strategaeth a'r cynllun gweithredu.
- Peidio torri tua 20 o safleoedd strydwedd dros y cyfnod tyfu er mwyn annog bioamrywiaeth.
- Darparu cynlluniau ar gyfer newid cyfansoddiadol a dogfennau/prosesau ategol fel bod penderfyniadau'n cymryd taclo newid hinsawdd ac ecolegol i ystyriaeth.

## **Nodiadau Cyfarfod y Gweithgor Argyfwng Newid Hinsawdd ac Ecolegol, 30.09.20**

- Modelu llwybrau ar gyfer gostwng allyriadau a chynyddu dal/storio carbon er mwyn bod yn ddi-garbon net erbyn 2030.
- Recriwtio Swyddog Prosiect Newid Hinsawdd (secondiad 6 mis mewnol)
- Dyfeisio opsiynau ar gyfer sefydlu'r waelodlin ar gyfer bod yn Gyngor Ecolegol Gadarnhaol.
- Cefnogi datblygiad manyleb ar gyfer caffael meddalwedd rheoli ynni newydd ar gyfer adeiladau.
- Hwyluso gweithdai ar gyfer datblygu cais am gyllid Coetiroedd Cymunedol NLHF.
- Cysylltu â, a chynnal trafodaethau gyda Gwasanaeth Ynni Llywodraeth Cymru er mwyn sicrhau gwasanaeth ymgynghori am ddim i gwblhau Astudiaeth Trawsnewid i Ffilyd ULEV cysylltiedig â thrydanu'r ffilyd a milltiroedd teithio'r ffilyd llwyd a choladu a chyflwyno'r data angenrheidiol ar gyfer astudiaeth ULEV.
- Cefnogi'r consortiwm cymunedol yn eu cais i Lywodraeth Cymru am Gyllid Economi Cylchol i gyflwyno ac aildefnyddio gwasanaeth trwsio yn yr Wyddgrug, Llangollen a Rhuthun.
- Gwaith dichonoldeb a rheolaeth prosiect cynnar ar gyfer Planhigfa Goed bosibl yn Greengates West.
- Cyflwyniadau i Grwpiau Ardal Aelodau Dinbych ac Elwy - wedi'u cwblhau
- Newyddlen Newid Hinsawdd ac Ecolegol ar gyfer pob Aelod a Newyddlen ar gyfer y cyhoedd (i'w cynhyrchu a'u hanfon bob 6 mis)

Diolchodd y grŵp i'r swyddogion am eu gwaith caled dros y cyfnod hwn.

Trafodaethau am opsiynau ar gyfer gosod arwynebau newydd eco gyfeillgar ar ffyrdd, y defnydd o dechnoleg ac aildefnyddio defnyddiau wrth drwsio ffyrdd. Cadarnhaodd BJ fod swyddogion yn edrych ar gynlluniau peilot.



## **Nodiadau Cyfarfod y Gweithgor Argyfwng Newid Hinsawdd ac Ecolegol, 30.09.20**

Cafwyd trafodaeth am ffermydd solar ac am safiad Cadw ynghylch panelau solar ar adeiladau rhestredig. Gofynnodd GK a allai ffermydd solar o feintiau llai fod yn opsiwn. Cadarnhaodd TB fod cymhelliant y tariff bwydo i mewn yn awr wedi dod i ben sydd wedi ei gwneud yn fwy anodd rhoi cynllun hyfyw ar waith.

Cafwyd trafodaeth am y defnydd o feddalwedd diffodd awtomatig gyfer lleihau'r defnydd o drydan mewn swyddfeydd. Cadarnhaodd HVE fod hyn yn cael ei ystyried ar gyfer Neuadd y Sir. Mae Ysgol Brynhyfryd eisoes wedi gosod meddalwedd o'r fath gyda chanlyniadau da.

Cafwyd trafodaeth ynglŷn â'r angen i blannu digon o goed yn lle'r rhai sy'n cael eu torri oherwydd clefyd coed ynn. Awgrymodd BF y gallai'r Cyngor gynhyrchu gwybodaeth ac arweiniad ar gyfer y cyhoedd ar sut i adnabod clefyd coed ynn yn eu gerddi/cymunedau a beth i'w wneud yn ei gylch.

Trafodwyd gwerth ardaloedd ochr y ffordd ar gyfer dal carbon a gwella bioamrywiaeth. Cadarnhaodd HVE/JW bod manau/lleiniau gwyrdd ar ochr y ffordd yn rhan o'r gymysgedd o dir a fydd yn cael ei ddefnyddio ar gyfer gwella amrywiaeth rhywogaethau dros y 9 mlynedd nesaf.

Cafwyd trafodaeth ynglŷn â sicrhau fod unrhyw adeilad newydd o eiddo'r Cyngor yn gweithredu ar sail allyriadau carbon isel. Cadarnhaodd HVE bod hyn yn cael ei ystyried yn weithredol fel rhan o ddatblygiad Band B o raglen prosiect Ysgolion yr 21ain ganrif.

Trafodaeth am nifer y cerbydau trydan yn fflyd y Cyngor. Cadarnhaodd HVE bod llai na 10 yn drydan. Mae cynnydd yn cael ei wneud o ran cynyddu'r seilwaith gwefru cerbydau ynni o fewn y Cyngor a thrwy hynny gefnogi'r trawsnewid i gerbydau a faniau bach trydan. Mae'r Cyngor wedi cyflwyno polisi caffael 'Trydan yn gyntaf' ar gyfer y fflyd.

### **CAM GWEITHREDU:**

- **HVE-** cysylltu â rheolwr y Prosiect Clefyd Coed Ynn i rannu'r cynnig fod y Cyngor yn cynhyrchu gwybodaeth ac arweiniad ar gyfer y cyhoedd ar sut i adnabod y clefyd a'r hyn y dylent ei wneud yn ei gylch.

# Nodiadau Cyfarfod y Gweithgor Argyfwng Newid Hinsawdd ac Ecolegol, 30.09.20

## Amserlen ar gyfer gweddill 2020/21

Aeth HVE a'r grŵp drwy'r cerrig milltir allweddol ar gyfer gweddill 2020/21 yn cynnwys:

- Hydref = drafftio dogfen strategaeth a chynllun gweithredu yn barod ar gyfer ymgynghoriad cyhoeddus
- Tachwedd = ymgynghoriad cyhoeddus ar y strategaeth a'r cynllun gweithredu newid hinsawdd ac ecolegol drafft.
- Rhagfyr = Hyfforddiant Llythrennedd Carbon ar gyfer Aelodau a swyddogion allweddol
- Ionawr = ceisio cymeradwyaeth/mabwysiadu'r Strategaeth a'r Cynllun Gweithredu Newid Hinsawdd ac Ecolegol yn y Cabinet/Cyngor Llawn
- Chwefror a Mawrth = Paratoi ar gyfer darpariaeth y prosiect yn 2021/22 yn cynnwys ceisiadau ariannu allanol. Datblygu a gweithredu unrhyw newidiadau angenrheidiol i brosesau/polisïau

## **4. Gwaelodlin a Llwybrau Di-garbon Net CSDd hyd 2030**

Cyflwynodd HVE waelodlin di-garbon net y cyngor i'r grŵp, sydd wedi'i gyfrifo yn dilyn canllaw Adrodd am Nwyon Tŷ Gwydr Llywodraeth Cymru.

Allyrrwyd 18,915 tonnell o garbon gan y Cyngor yn 2019/20 o'r ffynonellau canlynol:

- Adeiladau
- Gwastraff
- Y Fflyd
- Teithio i'r gwaith
- Goleuadau Stryd
- Teithio Busnes

Yn ogystal, allyrrwyd 22,710 tonnell o garbon o gadwyn gyflenwi'r Cyngor.

## **Nodiadau Cyfarfod y Gweithgor Argyfwng Newid Hinsawdd ac Ecolegol, 30.09.20**

Amsugnwyd 2,417 tonnell o garbon gan dir sy'n berchen i ac sy'n cael ei weithredu gan y Cyngor yn 2019/20 o'r defnydd canlynol o dir:

- Glaswelltir
- Coetir/Coedwigoedd

Cyflwynodd HVE i'r grŵp y nodau arfaethedig ar gyfer lleihau carbon a chynyddu dal carbon, a fydd yn ffurfio rhan o'r Strategaeth a'r Cynllun Gweithredu Newid Hinsawdd ac Ecolegol.

1. Y nod yw y bydd CSDd yn lleihau ei allyriadau o'r ffynonellau canlynol 59% erbyn 31 Mawrth 2030 i 9,440 tonnell y flwyddyn
  - Adeiladau
  - Gwastraff
  - Fflyd
  - Teithio i'r gwaith
  - Goleuadau Stryd
  - Teithio Busnes:
2. Y nod yw y bydd CSDd yn cynyddu ei amsugniad carbon 390% erbyn 31 Mawrth 2030, i 9,440 tonnell y flwyddyn.

Os yw'r Cyngor yn llwyddiannus o ran gwireddu 1 a 2 uchod, bydd cyfanswm yr allyriadau carbon gyfwerth â chyfanswm y carbon sy'n cael ei amsugno bob blwyddyn erbyn 31 Mawrth 2030.

Yn ychwanegol, y bwriad yw y bydd CSDd yn ceisio lleihau allyriadau carbon o'i gadwyn gyflenwi 35% erbyn 31 Mawrth 2030.

Cafwyd trafodaethau am gyllidebau i symud y gwaith yn ei flaen. Cadarnhaodd JG fod y broses o osod y gyllideb wedi dechrau a bod y gwaith yn parhau.

## **Nodiadau Cyfarfod y Gweithgor Argyfwng Newid Hinsawdd ac Ecolegol, 30.09.20**

Bu trafodaeth am Covid-19 a'i effaith ar ôl troed Carbon y Cyngor. Awgrymodd BF mai'r effeithiau posibl fyddai llai o deithio, pobl yn siopa'n fwy lleol, cadwyn gyflenwi fwy lleol. Cadarnhaodd JG fod 'ffyrdd newydd o weithio' yn thema o fewn cynlluniau adfer y Cyngor.

Cododd HS adroddiad Carbon Glas newydd Cyfoeth Naturiol Cymru sy'n amlygu buddion amsugno carbon y môr.

Cododd AD y cyfle i'r Cyngor ddatblygu a rheoli tir i wireddu'r gallu storio carbon gorau bosibl.

### **Cam Gweithredu**

- **HVE-** I barhau i ddrafftio'r Strategaeth a'r Cynllun Gweithredu Newid Hinsawdd ac Ecolegol a chyflwyno dogfen ddrafft yng ngweithgor mis Hydref

## **5. Cynlluniau ar gyfer ymgysylltu parhaus â'r cyhoedd**

Aeth LWJ a'r grŵp drwy'r cynlluniau ar gyfer ymgysylltu â'r cyhoedd sydd ar yr agenda Newid Hinsawdd ac Ecolegol, yn cynnwys diweddariad ar we-dudalennau ar wefan y Cyngor, diweddariad ar sefydlu is-grŵp newid hinsawdd ac ecolegol o Y Panel ac amlinellu cynlluniau drafft ar gyfer ymgynghoriad cyhoeddus ar y strategaeth a'r cynllun gweithredu drafft.

### **Gwefan**

Aeth y wefan gorfforaethol newydd yn fyw ganol mis Medi a gallwn yn awr symud y cam hwn yn ei flaen i greu cyfres o wefannau newid hinsawdd ac ecolegol.

Y cyfeiriad URL byr fydd [www.denbighshire.gov.uk/climatechange](http://www.denbighshire.gov.uk/climatechange)

Rydym yn gobeithio lansio cyfres newydd o we-dudalennau yn ystod Wythnos Hinsawdd Cymru, wythnos yn dechrau 2 Tachwedd.

# Nodiadau Cyfarfod y Gweithgor Argyfwng Newid Hinsawdd ac Ecolegol, 30.09.20

## Is-grŵp Newid Hinsawdd ac Ecolegol Y Panel

Fel yr adroddwyd yn flaenorol, cytunwyd y dylid symud ymlaen â'r opsiwn o greu is-grŵp o Y Panel ar borth Sgwrs y Sir y Cyngor a rhedeg fforymau trafod ar y porth er mwyn i'r cyhoedd ymgysylltu â'r cyngor a'i gilydd ar y pwnc hwnnw er mwyn rhannu dysgu drwy'r llwyfan negeseuon.

Y bwriad yw rhedeg fforwm trafod pwnc bob 6 wythnos.

Rydym yn gobeithio lansio'r fforwm trafod cyntaf yn ystod Wythnos Hinsawdd Cymru sy'n dechrau ar 2 Tachwedd.

## Cynllun ar gyfer Ymgynghori Cyhoeddus ar Strategaeth a Chynllun Gweithredu Newid Hinsawdd ac Ecolegol CSDd

Bwriedir y bydd y Strategaeth a'r Cynllun Gweithredu Newid Hinsawdd ac Ecolegol yn mynd allan ar gyfer ymgynghoriad cyhoeddus am 21 diwrnod yn ystod Tachwedd/Rhagfyr.

Yng ngoleuni COVID-19, cynigir y canlynol ar gyfer y dulliau ymgynghori:

- Arolwg ar-lein drwy Sgwrs y Sir
- 1 cyfarfod cyhoeddus gyda'r nos, os oes darpariaeth i gyfarfodydd gael eu cynnal yn rhithiol
- Cyflwyniadau yng nghyfarfodydd Cynghorau Ysgol, Cyngor/Senedd yr Ifanc – os oes darpariaeth i wneud hynny'n rhithiol.
- Dosbarthu gwybodaeth ymgynghori addas ar gyfer pobl ifanc mewn ysgolion.

Trafodaeth ynglŷn a gwybodaeth ac adnoddau am newid hinsawdd ar gyfer yr ysgolion.

Awgrymodd HVE fod hyn yn rhywbeth y gall y Cyngor ei wneud dros amser ar y wefan

### **CAM GWEITHREDU**

- **LWJ / HVE-** i barhau â chynlluniau ar gyfer y wefan, fforwm trafod ac ymgynghori cyhoeddus.

# Nodiadau Cyfarfod y Gweithgor Argyfwng Newid Hinsawdd ac Ecolegol, 30.09.20

## 6. Rhaglen gwaith i'r dyfodol a chyfarfodydd nesaf

Aeth HVE a'r grŵp drwy'r rhaglen gwaith i'r dyfodol/eitemau rhaglen arfaethedig.

Cafwyd trafodaeth ynghylch gwahodd cynrychiolwyr o Lywodraeth Cymru i'r cyfarfod nesaf. Cytunodd y grŵp y dylid gwneud hyn.

Cafwyd trafodaeth am ychwanegu cyfarfod ar y thema'r Defnydd Tir at y cynllun gwaith i'r dyfodol cyn diwedd y flwyddyn ariannol gyda'r posibilrwydd o wahodd Cyfoeth Naturiol Cymru. Cytunodd y grŵp y dylid gwneud hyn.

### CAMAU GWEITHREDU

- **HVE-** i wahodd cynrychiolwyr o Lywodraeth Cymru i'r cyfarfod ym mis Hydref.
- **HVE-** i wneud newidiadau i'r Rhaglen Gwaith i'r Dyfodol a gwahodd swyddogion ychwanegol i gyfarfodydd y dyfodol fel sy'n briodol

| Mis         | Eitemau arfaethedig gyfer eu trafod   |
|-------------|---|
| 21 Hydref   | <u>Thema: Drafft cyn ymgynghori o'r Strategaeth a'r Cynllun gweithredu Newid Hinsawdd ac Ecolegol drafft.</u> <ul style="list-style-type: none"><li>• Adolygu'r strategaeth a'r Cynllun gweithredu Newid Hinsawdd ac Ecolegol drafft.</li><li>• Cynllunio ar gyfer ymgynghoriad cyhoeddus</li></ul> |
| 10 Tachwedd | <u>Thema: Teithio</u> <ul style="list-style-type: none"><li>• Ein fflyd ein hunain</li><li>• Milltiroedd Busnes</li><li>• Teithio i'r gwaith</li></ul>  |

## Nodiadau Cyfarfod y Gweithgor Argyfwng Newid Hinsawdd ac Ecolegol, 30.09.20

| Mis        | Eitemau arfaethedig gyfer eu trafod  |
|------------|--|
| 17 Rhagfyr | <p><u>Thema: Drafft cyn ymgynghori o'r Strategaeth a'r Cynllun gweithredu Newid Hinsawdd ac Ecolegol drafft.</u></p> <ul style="list-style-type: none"> <li>• Ystyried yr adborth o'r ymgynghoriad cyhoeddus</li> <li>• Siapio'r strategaeth a'r Cynllun Gweithredu Newid Hinsawdd ac Ecolegol terfynol</li> </ul>       |
| 14 Ionawr  | <p><u>Thema: Newid Ymddygiad</u></p> <ul style="list-style-type: none"> <li>• Newid mewn cyfathrebu ac ymddygiad ymysg staff a chynghorwyr</li> <li>• Ystyried yr hyfforddiant Llythrennedd Carbon</li> </ul>  |
| 9 Chwefror | <p><u>Thema: Defnydd Tir</u></p> <ul style="list-style-type: none"> <li>• Myfyrion ynghylch ystyriaethau'r Cyngor o'r Strategaeth a'r Cynllun Gweithredu Newid Hinsawdd ac Ecolegol.</li> <li>• Defnydd Tir er budd dal carbon a gwelliant ecolegol</li> <li>• Dysgu gan Gyfoeth Naturiol Cymru</li> </ul>               |
| 9 Mawrth   | <p><u>Thema: Cau'r grŵp a dathlu llwyddiant</u></p> <ul style="list-style-type: none"> <li>• Edrych yn ôl ar siwrnai'r grŵp ers datgan yr argyfwng</li> <li>• Cynlluniau ar gyfer llywodraethau a chraffu ar gynnydd y rhaglen hon wrth symud ymlaen</li> <li>• Gwersi a ddysgwyd a'r camau nesaf i'r Cyngor.</li> </ul> |

### 7. Unrhyw Fater Arall

Dim.

Mae tudalen hwn yn fwriadol wag